

Visoka škola „CEPS – Centar za poslovne studije“ Kiseljak
Josipa Bana Jelačića bb
71250 Kiseljak
Datum: 14.09.2018. godine

ZAPISNIK
sa sastanka

Prvi sastanak radne grupe za izradu Strategije CEPS-a 2019. – 2024. godina održan je dana, 14.09.2018. godine u prostorijama Visoke škole, u ul. Josipa bana Jelačića bb, Kiseljak.

Sastanku su prisustovali:

- Pred. VŠ Mirzo Selimić – direktor, voditelj radne grupe,
- Pred. VŠ Mirza Kulenović – voditelj studija „Poslovna ekonomija“, član radne grupe,
- Pred. VŠ Nermin Palić – voditelj studija „Promet“, član radne grupe,
- Prof. VŠ Hamza Šehović – voditelj studija „Energetika“, član radne grupe,
- Prof. VŠ Jusuf Kevelj – voditelj studija „Zaštita na radu i zaštita od požara“, član radne grupe,
- Prof. VŠ Adnan Dizdar – voditelj studija „Zdravstvene studije“, član radne grupe,
- Prof. VŠ Mladen Radivojević – voditelj studija „Informacijske tehnologije“, član radne grupe,
- Prof. VŠ Ismet Sejfića – spoljni suradnik, član radne grupe,
- Ivan Kožul – „Centar motor“ d.o.o Široki Brijeg, član radne grupe,
- Stjepana Križanac – Šef studentske službe, član radne grupe,
- Alem Kljajić – student, član radne grupe.

Odsutnih nije bilo.

Sastanak je počeo u 10:15 sati.

Direktor Mirzo Selimić, kao voditelj radne grupe, pozdravio je sve prisutne i pročitao predloženi dnevni red:

1. Preispitivanje postojeće strategije, unapređenje u područjima gdje je to moguće, prateći najviše svjetske standarde u oblasti visokog školstva te usklađivanje strateških ciljeva s preporukama povjerenstva
2. Plan za novu strategiju CEPS-a 2019. – 2024. godina

Zatim je pozvao prisutne da dopune dnevni red ukoliko za istim postoji potreba. Obzirom da se niko od prisutnih nije javio za riječ, usvojen je predloženi dnevni red.

Direktor je naglasio da je zadatak radne grupe preispitati postojeću strategiju, unaprijediti je u područjima gdje je to moguće, pratiti najviše svjetske standarde u oblasti visokog školstva te uskladiti strateške ciljeve s preporukama povjerenstva datima u Izvješću o akreditaciji 2016. godine.

Nadalje, naglašeno je da je cilj izrade nove strategije kreirati dokument sa smjernicama i jasno definiranim mjerljivim i ostvarivim ciljevima putem kojih će CEPS moći pratiti ispunjenje vizije i misije, te blagovremeno reagirati u turbulentnoj okolini u kojoj se nalazi.

Radna grupa je preispitala viziju i misiju, analizirala okolinu u kojoj Visoka škola posluje, napravila SWOT analizu, te će na temelju prilika, prijetnji, snaga i slabosti predložiti potencijalnu strategiju, definirati strateška područja unutar kojih će se strategija realizirati, te za svako strateško područje odabrati nekoliko ključnih pokazatelja performansi ili ključnih ciljeva za koje će biti određeni indikatori, mjerne veličine, vrijeme unutar kojeg se trebaju realizirati, te aktivnosti koje se trebaju poduzeti za njihovo ostvarenje s nositeljem aktivnosti.

Naglašeni su jasni zadaci za sve učesnike radne gupe da predlože nove strateške oblasti u skladu sa prethodnim zaključcima, te da će o njima i njihovom konačnom izboru biti razvijena diskusija. Svi članovi radne grupe trebaju iz svog domena (menadžment, nastavnici, predstavnik studenata, studentska služba i privreda) dati konkretne prijedloge koji će biti usaglašeni i integrisani u strategiju CEPS-a na narednom sastanku.

Sastanak je završen u 15:00.

Voditelj radne grupe

Direktor, Pred.VŠ Mirzo Selimić